

2012-01-28

Luca D'Ambrosio's presentation

As our member Luca D'Ambrosio just told us, he enjoyed to give a presentation last week in St. Ulrich, i.e. in the domicile of the chess club Gröden, record champion of South Tyrol. *Nemo propheta in patria* is a widespread saying, but his talk was quite successful and even considered in an article ... in Ladinic!



I jëuni che à jugà pra l Grand Prix a Ridnaun: Matthias Kasslatte, Gabriel Prinoth, David Dejori, Nadia Kasslatte y Elia Bergmeister.

Sesto di y sesta vënta per l Gherdëina l

La ie jita drët bën per la scuadras dlia Lia Schach Gherdëina tla ancuntes per l Campiunat Provinzial a scuadras. De bie resultac nce per i plu jëuni che à fat pea pra l Grand Prix

Schach - Serie A: cun nia puecia fadia à la prima squadra dlia Lia Schach Gherdëina venciù l sesto di ai 14 de jené 2012 n cësa cun l Naturus II per 3,5 a 2,5. Scebën ndebilda pervia che l manciava vel' jugadëur, ratöven che la vënta fossa stata na cossa saurida. Dut auter! Nà abù cin' ëura y mesa per storjer la segunda squadra dl Naturus, che teniva permez cun artienenza. Venciù à Ruben Bernardi y Franz Prinoth, remis à fat Rainer Demetz, Thomas Moroder y Manuel Taschler. Chësc ultimo à jugà per l segundo iede tla serie A, dajan cun si mez pont si contribut ala vënta dlia squadra. l Gherdëina l ie nscila al mumënt for mo al segundo post tla classifica dlia serie A cun 12 pont, do l Merania, enghe cun 12 pont, y dan l Persenon/ Milland cun 11 pont.

Serie B: per la serie B iel da reporté finalmënter na bela nutizia! Per 3,5 a 1,5 à batù bëndebot sauri l Steinegg. Si partides à venciù Bruno Goller y Rifat Kazazi, remis à fat Klaus Knottner, Johann Grossrubatscher y Iacur Prugger. Chësc resultat à sburdà l Gherdëina II al decimo post dlia serie B cun 3 pont. N spera che la vede inant cun l medemo sgors!

Serie C-est: la terza squadra dl

Gherdëina à ancuntà n cësa l Niederdorf, l luech da na gran tradizion tl juech dl Schach te Südtirol. Iust perchël iel da auzé ora l bel resultat a pèr per 2,5 a 2,5 arjont dai patrons de cësa. Siegfried Senoner y Pauline Taschler à venciù, David Dejori à contribui cun na remis. l Gherdëina III ie sën al quinto post dlia classifica cun 4 pont.

Grand Prix di Jëuni a Ridnaun

Cin jëuni dlia Lia Schach Gherdëina ie jic n dumënia ai 15 de jené a Ridnaun a fé pea pra l quarto turnoi dl Grand Prix 2011/12, ruvan inò a cësa cun propi de bon resultat. David Dejori à arjont n bonissimo terzo post tla categoria di mutons sot a 14 ani cun 5,5 pont. Matthias Kasslatte se à classificà sesto cun 4,5 pont y Gabriel Prinoth 14ejim cun 2,5 pont. Nadia Kasslatte ie chëst iede ruveda al segundo plazamënt tla categoria dlia mutans sot a 10 ani cun 4,5 pont. Elia Bergmeister, tla categoria di mutons sot a 10 ani, à arjont cun 4 pont l quarto post. Chisc jëuni ie la speranza dl dauni dlia Lia Schach Gherdëina!

La storia di Schach te Südtirol dal Medievo



Ntan l referat sun la storia dl schach te Südtirol purtà dant dal Dut.Luca D'Ambrosio

incà

Referat dl dut. Luca D'Ambrosio teni n lunesc ai 16 de jené a Urtijei. Sun nvit dlia Lia Schach Gherdëina, à l storich de Schach dut. Luca D'Ambrosio teni a Urtijei n belissimo referat n cont dlia storia dl Schach te Südtirol, scumencian dala fin dl 1200 nchin a do la segunda gran viera. L ie propi da se fé marueia tan de documënc, munëdes, chedri y dantaldut libri che à da n fé cun l argumënt dl Schach che l ie mo al didancuei da udëi y amiré y che conta che l univa fat al Schach da nëus da almanco 800 ani incà. Duc chëi che ie unic a scutë su chësc referat à bele sën pudù ti cialé a de bela vedla fotografies di gran turnoies nternaziunei de Maran di ani 1924 y 1926. Chësc material unirà ntan l ann 2012 publicà dal dut. D'Ambrosio te si liber de passa 400 plates che trata de chisc turnoies.

L ie na gran fortuna che te nosta provinzia ons cun l dut. D'Ambrosio n storich de Schach apasciunà che bele sën, do n valgun ani de atività te chësc ciamp, à nresci y abinà adum material che fossa scenó jit perdù per for: bele per chësc possa la cumenanza di jugadëures de Schach, y no mé chësta, l ringrazië de cuer per si lëur de valor. (rd)